

36: Ubugingo dufite mw isi

1.

Ubugingo dufite mw isi,
Busa n'ibiba n'isarura.
Ubibira mu mubiri we,
Ni w' uzasarura kubora.
Ubwo dukorer' Umukiza ,
Azatugororera mw ijuru.
Tugume mw ijambo ry'Imana,
Kugeza mu gihe cyo gupfa.

2.

Kubw' ubuntu bwinshi busaga,
Twemewe n'Iman' Ihorahe.
Kubw' ubuntu bwinshi busaga,
Twahawe gukorer' Imana.
Twibesherejweho na Yesu,
Muri byose tubonera mw isi.
Iyo twamamaj' ubutumwa,
Ni yo nyungu yacu y'ukuri.

3.

Ubw'Abakristo bazinjira
Mw ijuru gushim' Umukiza.
Ndifuza kuza jyana na bo,
Dufatanye kumuhimbaza,
Tuzaririmbir' Umukiza
Kuko yatuguz' amaraso ye.
Abakoranag' urukundo,
Bazahora bamuhimbaza.